

Perorsaanermik Ilinniarfik Socialpædagogisk Seminarium



PI/SPS

ILINNIARNERMIC AAQQUSSUSSINEQ

Pædagogassistentitut Inuutissarsiummik
ilinniarneq

August 2021



Imarisai:

REKTORIP SIULEQUTAA	3
AALLAQQAASIUT.....	4
ILINNIARTITAANERUP AAQISSUUNNEQARNERANUT PERIUTSIT.....	4
<i>Ilinniarnermik isiginninneq.....</i>	4
<i>Perorsaarnermik paasinnittaaseq.....</i>	5
PÆDAGOGASSISTENTITUT INUUTISSARSUUMMIK ILINNIARNEQ PILLUGU AALAJANGERSAKKAT.....	5
ATUUTILERFIK.....	5
ILINNIARTITAANERUP SINAAKKUTAI AAMMA PITSAASSUTSIT	6
ILINNIARTITAANERMI KALAALLISUT SAMMIVEQARNEQ.....	6
ILINNIARTITAANERMI ALLIARTORNEQ, ATAQATIGIINNEQ AAMMA INGERLAAVARNEQ	6
ECTS-IMI ILINNIARNERUP SIVISUSSUSAA	6
AKUERINEQARNISSAMUT PIUMASAQAATIT	8
QINNUTEQARNISSAMUT PIFFISSARITITAASOQ AAMMA ILINNIALERNISSAMUT	
AKUERISAANEQ	8
ILINNIARNERUP SIUNERTAA AAMMA TUNAARTAA	9
PÆDAGOGASSISTENTITUT NAAMMASSISIMASUP PIGINNAASAI	10
PIGINNAANERIT TUNNGAVIUSUT	10
ILINNIARTITAANERUP SULIATIGUT IMARISAI AAMMA ILINNIAGASSATUT SIUNERTAT	11
ILINNIARTITAANERUP AAQISSUGAANERA AAMMA SANNA.....	11
ILINNIARTITTSERIAATSIT TUNNGAVIUSUT AAMMA NAJOQQUTASSAT.....	13
SULIAT IMARISAAT AAMMA MODUL-INI ATAASIAKKAANI ILINNIAGASSATUT SIUNERTAT.....	13
SULIFFIMMI SUNGIUSARNEQ AAMMA ULLUKKUT IMALUUNNIIT ULLOQ UNNUARLU	
PAAQQINNIFFINNUT ATTUUMASSUTEQARNEQ	21
MISILITSINNEQ AAMMA MODULINI MISILITSINNEQ	21
INAARUTAASUMIK MISILITSINNEQ	22
MISILITSINNERNI AAMMA MODUL-INI MISILITSINNINNERNI CENSORIT PILLUGIT AALAJANGERSAKKAT	22
MISILITSEQQINNEQ, NAPPARSIMANEQ PISSUTIGALUGU MISILITSINNEQ AAMMA SULIFFIMMI SUNGIUSARNEQ NUTAAQ	23
MISILITSINNERMUT UPPERNARSAAT AAMMA DIPLOMA TAPERTAQ.....	23
MAALAAARUTIT.....	23
ILINNIARNERMI SIUNNERSORNEQARNEQ	23
ILINNIARTUNIK SIUNNERSUINEQ	24
SULIATIGUT SIUNNERSORNEQARNEQ.....	24
PEQATAASUSSAATITAANEQ	24
ILINNIARNERMI SULIAQARNEQ	24
PEQATAANNGINNEQ	24
PIFFISSAQ NAAMMASSINNIFFISSAQ	25
IMMIKKUT AKUERSISSUTEQARTARNEQ PILLUGU AALAJANGERSAKKAT	25

Rektorip siulequtaa

Perorsaanermik Ilinniarfimmi (PI/SPS) pædagogassistentitut Inuutissarsiummik ilinniarnermik aaqqissuussineq ilinniarnernup aaqqissuunneqarneranut aamma imarisaanut sinaakkutinik aalajangiivoq.

PI/SPS-ip pædagogassistentitut Inuutissarsiummik ilinniarnermik periarfissiinini aammalu tassuunakkut perorsaasoqarnerup tungaatigut ilinniagaqarnikkut qaffassaaqataasumik periarfissiinermut peqataanini nuannaarutigivaa.

Ilinniartitaaneq ilinniartunut persorsaanermik suliaqarnemut attuumassuteqartunut sammitinneqarpoq, aammalu ulluinnarni suleriaatsinik tunngaveqarluni. Ilinniartitaaneruvoq paarlakaattumik ingerlaaseqartoq, piffissap ilaani suliffimmi ingerlanneqartarluni piffissallu ilaani ilinniarfimmi modulikkaartuusuni ingerlanneqartarluni.

Ilinniartut ulluinnarni suleriaatsit misilittagaat aamma suliaqarnikkut piginnaasaat ilinniartitaanermi atuagarsornermi aammalu perorsaanermi sakkunut tunngatillugu tunngaviusarput, soorluttaaq ilinniartup ilinniarnermi ilisimalersimasani aammalu piginnaasarilersimasani ulluinnarni suliffimmi suleriaaseqarnerminut atatillugu iluaqutigisari.

Ilinniartitaanerup siammasissumik ingerlanneqarsinnaanera neqeroorutaavoq, ilinnialernissamut piumasaaqatinik naammassinnissimasut amerlassusaat eqimattaliornissamut naammassimagaangata, aammalu ilinniarnissamut sinaakkutit pitsaasut pilersinneqarsinnaagaangata. Kalaallit Nunaanni tamarmi perorsaasoqarnerup tungaatigut suliatigut piginnaasanik qaffassaanissaq ilinniartitaanerup aamma siunertaraa.

Ilinniartitaaneq aamma piffissap ilaannaa atuagarsornernut aaqqissuunneqarsinnaavoq, ullukut imaluunniit ulloq unnuarlu paaqqinniffinni atorfeqartunut ukiut arlallit perorsaanermik misilittagaqartunut sammisumik, taamaalilluni soorlu assersuutigalugu ullukut imaluunniit ulloq unnuarlu paaqqinniffinni atorfeqaatigaluni ilinniagaqaqqinnissamut periarfissiisumik.

Ilinniartut pædagogassistentitut Inuutissarsiummik ilinniarnermik naammassinnittut Isumaginninnermi Perorsaanermi atorfinissutissamik Bacheloritut ilinniagaqalernissamut akuerineqarnissamut qinnuteqarsinnaapput.

PI/SPS-ip siulersuisuisa ilinniarnermik aaqqissuussineq juni 2021-mi akuerivaat.

Nuka Kleemann

Rektori

Aallaqqaasiut

Perorsaanermik Ilinniarfimmi (PI/SPS) pædagogassistentit Inuutissarsiummik ilinniarnermik aaqqissuussinermut una allakkiaavoq, inatsisit, peqqussutit, nalunaarutit aammalu allat aalajangersakkat atuuttut sinaakkutaasa iluini, ilinniartitaanerup qanoq aaqqissuunneqarsimaneranik malittarisassanik aalajangersaasoq.

Ilinniarnissamut sinaakkutinik pilersitsinissaq ilinniartitsisut akisussaaffigivaat, atorfilittallu tamarmik aammalu ilinniartut peqatigiillutik avatangiisinik isumassarsisitsiviusunik aammalu kajuminnartunik ilinniarfimmi pilersitsinissamut akisussaaqatigiippat. Ilinniartitsineq tunaartarissaartumik suleqatigiinnermik tunngaveqarpoq, tassani atuartut aamma ilinniartut ilinniartitaanertik aqutugalugu akisussaaffimmik tiguisuullutik aammalu ilinniarnerminni eqiingasullutik. Demokratimik eqiingasumik ineriartortitsineq ilinniarfiup peqataaffigissagaa pingaartinneqarpoq.

Perorsaanermik Ilinniarfimmi (PI/SPS) pædagogassistentit Inuutissarsiummik ilinniarnermik aaqqissuussinerup imarai sulianut ilinniartitaaneq pillugu aamma aaqqissugaaneq pillugu aalajangersakkat. Ilaatigut ilinniartitaanermi atuartitsissutini aamma modulini ilikkagassatut siunertanut tunngatillugu ineriartorneq, ataqatigiissuseq aamma ataqatigiittuarneq pillugit, kiisalu ilinniartut peqataanissaannut il. il. sinaakkutit pillugit nassuiaanerit ilaatinneqarput.

Ilinniarnermik aaqqissuussinermut ilaavoq ilinniartut quppersagaat, tassani ilinniartitaaneq sukumiisumik nassuiaatigineqarpoq, tassunga ilagitillugu ilinniartitaanerup modulunut agguagaanera. Ilinniartut quppersagaanni aamma PI/SPS-imi ilinniarnermi avatangiisit pillugit paasissutissat aamma ilinniarnermut atatillugu suliaqartarnerit assigiinngitsut pillugit paasissutissat, ilinniartut siunnersuisoqatigiivi aamma ataatsimiititaliaat pillugit paasissutissat kiisalu ilinniartitaanermut atatillugu pisariaqarsinnaasut pillugit paasissutissat aamma PI/SPS pillugu paasissutissat nassaassaappat.

Ilinniartitaanerup aaqqissuunneqarneranut periutsit

Ilinniarnermik isiginninneq

PI/SPS-imi upperaaput, ilinniarneq tassaasoq peqataaneq, ilinniartuusumi piusoq.

Ilinniarnermik isiginninnerput siunertarissaartumik ilinniarnermik paasinnittaaseqarnermik aallaaveqarpoq, tassani sulianut tunngasut, inooqatigiinnermut tunngasut aammalu inuttut inissisimaneq perorsaanermi piginnaasatigut ineriartornermi qitiullutik. Ilinniarneq inummi iliniartussami pisarpoq, qarasaq timilu aqutugalugit aammalu allat peqatigalugit. Ilinniarneq ikorfartorneqartarpoq utimut tunniussaqaarnikkut, tassani ilinniartoq isummersorneqartarluni, kaammattorneqartarluni aammalu unammillerneqartarluni.

Ilinniartitsisup ilinniarnissamut sinaakkutinik pilersitsinissaq akisussaaffigivaa, tassanilu atorfilittat tamarmik, atuartut aamma ilinniartut peqatigiillutik avatangiisinik isumassarsisitsiviusunik aammalu kajuminnartunik ilinniarfimmi pilersitsinissamut akisussaaqatigiillutik. Ilinniartitsineq siunertarissaartumik suleqatigiinnikkut ingerlanneqartarpoq, tassani atuartut aamma ilinniartut annertusiartortumik akisussaaffimmik tigusiartuaartarlutik aammalu namminneq ilinniarnertik pillugu suliniuteqartarlutik.

Perorsaanermik paasinnittaaseq

Ilinniartitaanermi perorsaanermut tunngaviusumik isuma tassaavoq, inuit tamarmik imminermi naleqarnerat aamma inuiaqatigiinni pisuussutaanerat, aammalu inuit tamarmik naleqartumik, isumalimmik aammalu nammineq qinikkamik inuunissamut pisinnaatitaaffeqarnerat. Ilinniartitaanermi pingaartinneqarpoq, ilinniartuq sumiiffigisamini piginnaasatigut inunnik ataasiakkaanik naapitaqarnissamut ineriartussasoq, taamatutaaq sullitanut tunngatillugu attuumassuteqarnikkut inerisaassasoq ineriartortitsillunilu.

Perorsaanermut ikiortip sullitanut tunngatillugu attuumassuteqarnikkut immikkut piginnaasai inunnik ataasiakkaanik inuiaqatigiinnilu ikorfartuinissamut periarfissiipput, inuit ataasiakkaat ilaatinneqarnissaannut aammalu piginnaanerisa ineriartortinneqarnissaannut aammalu periarfissaqarlutik inuunissaannut.

Perorsaanermut ikiortip sulini aqqutigalugu meeqqat, inuusuttut aamma inersimasut inuttut aamma inuiaqataasutut piginnaasatik atorlugit piviusunngortitsinissaannut ikorfartorsinnaavai. Taamatutaaq perorsaanermut ikiortip, inuit inooqataaneranni aammalu inuiaqatigiit aqqissuussaaneranni piviusunngortitsinissamut akornusersuutit akiorniagassarivai.

Pædagogassistentit Inuitissarsiummik ilinniarneq pillugu aalajangersakkat

- Ingerlaqqiffiusumik ilinniakkat pillugit Inatsisartut Inatsisaat nr. 14, 12. juni 2019-imeersoq
- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

Pædagogassistentit Inuitissarsiummik Perorsaanermik Ilinniarfimmi ilinniagaq angusiffiusimasoq piginnaatitsivoq pædagogassistentit taagornissamut. Kalaallisut taaguut tassaavoq: Pædagogassistentit. Tuluttut taaguut tassaavoq: Social Educator Assistant

Ilinniarnermik aqqissuussineq atuuilissaaq ukiup atuarfiusup aallartinnerani aammalu ikaarsaarnermut malittarisassanik imaqaassalluni, imaassimappat taamaattut pisariaqartuusut. Ilinniarnermik aqqissuussinerit atuuttut ilinniarfiup nittartagaani tamanit aaneqarsinnaassapput.

Atuutilerfik

Perorsaa sumut ikiortit Inuitissarsiummik aqqissuussineq una ulloq 1. august 2021 atuutilerpoq.

PI/SPS-imi ilinniarnermik

Ilinniartitaanerup sinaakkutai aamma pitsaassutsit

Ilinniartitaaneq perorsaasoqarnermi ulluklut imaluunniit ulloq unnuarlu paaqqinniffinnut imaluunniit suliffinnut allanut perorsaasutut suliaqarfiusunut tamanut sammisuuvoq.

Pædagogassistentitut Inuutissarsiummik ilinniarneq 120 ECTS-point- inut annertussusiligaavoq. Ilinniarneq immikkoortunut 4-nut agguarsimalluni ukiuni 2-nik sivisusseqarpoq, tassani paarlakaanneqarlutik suliffimmi sungiusarneq aamma modulini ilinniarnertit pilersaarutaareersut.

Inuutissarsiummik ilinniarneq suliffimmi sungiusarnerit aammalu modulini ilinniarnertit paarlakaanneqarnerinik aaqqissuussaammat, naatsorsuutigineqarpoq ilinniartuq ilinniartuunini tamakkerlugu perorsaaneramik suliffeqarfimmut attuumassuteqassasoq.

Ilinniartitaanermi kalaallisut sammiveqarneq

Ilinniartitaaneq kalaallisut inuiaqatigiittut pissuseqarnermik ileqqoqarnermillu sammiveqarpoq. Tamatuma saniatigut naatsorsuutigineqarpoq, ilinniartup isumaginninnermi perorsaaneramik suliaqartutut misilittakkani aamma malinnaavigisimasani atuaqatigiit ataatsimoorlutik eqqarsaqqissaarnerannut atugassanngortissagai. Case-t aallaavigalugit suliaqarneq kalaallisut isiginnittaaseqarnermik tunngaveqarpoq aammalu Kalaallit Nunaanni perorsaanerup tungaatigut pissutsinut sammisuulluni. Ilinniartup atuartitsinermut tapertaanerata tunngavigivaa, Kalaallit Nunaanni inuuniarnikkut atukkat ilinniartitaanerup imarisaani annertuumik inissisimaneri.

Ilinniartitaanermi alliartroneq, ataqatigiinneq aamma ingerlaavarneq

Inuutissarsiummik ilinniarnermi ilinniarnertup ingerlarnga modulit sammivii naapertorlugit ilusilersorneqartarpoq, taamaalilluni ilinniartitaanermi ataqatigiinneq aamma alliartroneq pilersinneqartarlutik.

Ilinniartitaanerup ilusilersugaanera atuagarsornerup aamma suliaqartarnerup akornani ingerlaavartumik ataqatigiinnermik tunngaveqarpoq. Suliaqartarnerup ataavartumik ilinniartitsinermut ilanngunneqartarnera tamatumunnga tapertaavoq, aammalu naatsorsuutigineqarpoq ilinniartut modulini atuagarsornerminni pissarsiatik paaqqinnittarfimmi perorsaasutut suliaqarnerminni atussagaat, taamaalilluni ilinniarneq atuagarsornikkut aamma suliaqarnikkut paarlakaattumik ingerlanneqarluni. Ilinniartup suliaqarnikkut piginnaanerit pigeriigai kiisalu nangittumik ilinniarnermi pigiliussai aallaavigalugit ilinniarnertup ingerlanissaa aamma imarissaa aaqqissuunneqassapput.

ECTS-imi ilinniarnertup sivisussusaa

Piffissaq eqqarsaatigalugu modulit ataasiakkaat akornanni angerlarsimaffimmi suliaqartarnissaq naatsorsuutigineqassaaq. Modulip ataatsip kingornatigut tamatigut suliaqartassaaq, aammalu modulit akornanni, ilinniartut akornanni aamma ilinniartitsisut peqatigalugit, internet aqutigalugu ilinniartitsisoqartassaaq / ilitersuisoqartassaaq / avitseqatigiittoqartassallunilu.

Modulinit ilinniartitsiviusunut atuagarsornikkut aamma suliaqarnikkut ilinniarnertup piareersaataasumik semesterimi ataatsimi suliaqarnermut 15 ECTS pissarsiarineqassapput (1 ECTS-ip agguaqatigiisillugu naligivaa akunnerit 27-28-t missaanni ilinniarneq).

Inuutissarsiummik ilinniarneq ataatsimoortillugu 120 ECTS pointinut annertussusiligaavoq.

Akuerineqarnissamut piumasaqaatit

Ilinniartitaaneq ulluklut imaluunniit ulloq unnuarlu paaqqinniffinni atorfilinnut tunngatinneqarpoq, ulluinnarni isumaginninnermi perorsaanermik meeqqanut aamma inuusuttunut kiisalu innuttaasunut immikkut pisariaqartitsisunut sammisumik suliaqartunut (soorlu assersuutigalugu inuit innarluutillit, utoqqaat imaluunniit inersimasut ikiortariaqartut).

Pædagogassistentitut Inuutissarsiummik ilinnialernissamut akuerineqarnissamut qinnuteqartumut piumasaqaataapput

- ilinniarnertuutut naammassisimanissaq soorlu assersuutigalugu GUX-imi, HTX-imi imaluunniit assigisaanik, imaluunniit
- isumaginninnermut sammisumik inuutissarsiummik ilinniagaqarsimanissaq, soorlu assersuutigalugu isumaginninnermi ikiortitut, socialassistentitut, peqqissaanermi ikiortitut imaluunniit siunnersuinnermi ikiortitut, imaluunniit meeqqat atuarfianni inaarutaasumik misilitsinnerup saniatigut allap ilinniartitaanerup attuumassuteqartup akuerisaasullu naammassisimanissaa, soorlu assersuutigalugit isumaginninnermi perorsaanermik suliaqarnerup iluani, attaveqatigiinnermik, oqaloqatigeeriaatsit pillugit imaluunniit assigisaannik pikkorissarnerit sivisunerusut, aamma
- ilinniarnissamut pilersaaruteqarnissaq, tassunga ilagitillugu ukiuni 2-ni isumaginninnermi perorsaasutut suliffimmi ulluklut imaluunniit ulloq unnuarlu paaqqinniffimmi PI/SPS-ip akuerisaani sungiusarluni sulinissamut isumaqatigiissuteqarnissaq.

Tamatuma saniatigut ilinniartitaaneq ukiuni 2-ni ullup affaa atuagarsorluni ingerlanneqarsinnaavoq, tassani akuerineqarnissamut piumasaqaataavoq, qinnuteqartup

- *ilinniarnertuutut naammassisimanissaq soorlu assersuutigalugu GUX-imi, HTX-imi imaluunniit assigisaanik, imaluunniit*
- *isumaginninnermut sammisumik inuutissarsiummik ilinniagaqarsimanissaq, soorlu assersuutigalugu isumaginninnermi ikiortitut, socialassistentitut, aamma*
- *sivikinnerpaamik uppenarsaatitalimmik ukiuni 2-ni perorsaasutut suliffimmi soorlu assersuutigalugu ulluklut imaluunniit ulloq unnuarlu paaqqinniffimmi, atuarfimmi assigisaaniluunniit atorfeqarsimanissaq*
- *ilinniarnernerup ingerlanerani atorfeqarnissaq*
- *suliffigisaq peqatigalugu ilinniarnissamut pilersarusiorsimanissaq, tassani ilaatigut allassimassalluni ilinniartitaaneq sulinnermi pingaarnertinneqassasoq kiisalu angalanernut aamma unnuinernut aningaasartuutitut matussusiinissaq pillugu isumaqatigiissutit allaqqassallutik.*

Qinnuteqarnissamut piffissarititaasoq aamma ilinnialernissamut akuerisaaneq

Inuutissarsiummik ukiakkut semesterimut ilinnialernissamut akuerineqarnissamut kingusinnerpaamik qinnuteqarfissaavoq 1. marts. Siornatigut ilinniagarisimasanut kiisalu suliffigisimasanut uppenarsaatit qinnuteqaammut ilanngunneqassapput.

Ilinniartussanik toqqaanissami qinnuteqartut siornatigut ilinniagarisimasaat aamma suliffeqarnikkut misilittagaat tunngavigalugit ataatsimut naliliisoqassaaq. Ilinniartussatut inaarutaasumik akuerineqarnissaq sioqqullugu, ilinnialertussap aammalu suliffeqarfiup ilinniagaqarneq tamakkerlugu attuumassuteqarfiusussap akornanni ilinniarnissamut pilersaarutip isumaqatigiissutip assilineranik PI/SPS pissaaq. Ilinniarnissamut pilersaarusiornermut atugassiaq (skabelon) PI/SPS-imi piniarneqarsinnaavoq.

Kalaallit Nunaannui inuutissarsiummik ilinniakkanut aamma ingerlaqqiffiusumik ilinniakkanut qinnuteqartarneq atuuttoq malillugu ilinniartunngortussanik akuersisoqartarpoq. Ilinniartunngornissamut inissanut sanilliullugu qinnuteqartut piukkunnaateqartut amerlaneruppata, taava qinnuteqartuni piukkunnaateqarneruneq aallaavigalugu qinnuteqartut nalilerneqassapput aamma pingaarnersiorneqassapput, tak. qinnuteqarnissamut piumasaqaatit qulaani allaqqasut. Inuutissarsiummik ilinniakkami aamma ilinniarnertuunngorniarnermi karakterit agguaqatigiisinneri tunngavigalugit pingaarnersiuisoqassaaq. *Ukiuni 2-ni ullup affaani atuagarsorluni ilinniagaqarnissamut qinnuteqartut eqqarsaatigalugit, ukiut qassit inuutissarsiuteqarsimaneq uppersarneqarsinnaasoq akuersinissamut pingaarnersiuinermi aallaavineqassaaq.*

Ilinniagaqarnissamut akuerisaanermi ilinniartup nipangiusimasaqartussaataitanermut akuersissut immersussavaa, taanna ilinniartitsivimmi ilinniartut ilinniartitsisullu akornanni tatigeqatigiinnermut tunngaviussaaq.

Perorsaanermik ilinniarfimmuq qinnuteqarsimallutik akuerisaasut tamarmik meeqqanik innarliisimanginnermik uppersaataannik aamma pineqaatissinneqarsimanginnermik uppersaataannik piniartoqassaaq.

- Pineqaatissinneqarsimanginnermik uppersaataat ilinniagaqalertussap piniassavaa PI/SPS-imumu nassiullugu.
- Meeqqanik innarliisimanginnermik uppersaataat PI/SPS-imit piniarneqassaaq, ilinniagaqalertussap skema immersugassaaq tassunga attuumassuteqartoq immersoreerlugu PI/SPS-imumu nassiutereersimalerpagu.

Ilinniarnernup siunertaa aamma tunaartaa

Inuutissarsiummik pædagogassistentitut ilinniarnernup siunertaraa, ullukku imaluunniit ulloq unnuarlu paaqqinniffinni isumaginninnermi ikiortit aamma allat isumaginninnermi perorsaanermik suliallit ingerlaqqittumik ilinniagaqalersinnaanissaasa qulakkeerneqarnissaa.

Politikkikkut soqutigineqarpoq aamma kissaatigineqarpoq Kalaallit Nunaat tamakkerlugu perorsaanermik sulliaqarnermi piginnaasanik qaffassaanissaaq. Inuutissarsiummik ilinniarneq sulianut qanittumik ingerlaaseqarluni ilinniagaqarnissamut periarfissiivoq, ilinniartut ulluinnarni suliffigisaminnilu suliaqarnermut attuumassuteqaannarsinnaallutik, tassani ilinniartup modulini ilinniartitsineq malinnaaffigisinnaajumallugu ilaqutarisaminit sivikitsuinnarmik avissaaqqagallarsinnaanera pisinnaalluni.

Ilinniartup ilinniarsimasutut ineriartorneranut ilinniarneq iluaqutaassaaq, tassunga ilagitillugit ilinniartup Kalaallit Nunaanni inuiaqatigiinnut soqutiginninnera aamma peqataasutut pisinnaasaanut tunngatillugu. Tamatuma saniatigut ilinniartitaaneq kalaallisut inuiaqatigiittut aamma ileqqutigut isiginnittaaseqarluni perorsaannermi sulianut immikkut samminninnermi iluaqutaassaaq. Tamanna modulini sammisanut, ilinniartitsissutinut aamma sulianut tunngatillugu kalaallisut eqqarsartaatsimut tunngasunik takuneqarsinnaasunik ilaqartitsinikkut anguneqarnissaa siunertaavoq.

Ilinniarnep ingerlanerani ilinniartup susassaqarfimmi piginnaanereriigai aammalu ilisimariigai ilaartorneqassapput, taamaalilluni ilinniartitaanikkut isumaginninnermi perorsaannermik sulianut tunngatillugu ilisimasatigut aamma piginnaasatigut pissarsisoqarsinnaalluni, tassunga ilaallutik sulianut tunngasut isumasiuisinnaanerit aamma periaatsinut tunngatillugu piginnaasat.

Pædagogassistentit naammassisimasup piginnaasai

Inuutissarsiummik pædagogassistentit naammassisimasut ilisimasaqalersimanermikkut, suliaqarsinnaanngornermikkut aammalu piginnaasaqalerneremikkut perorsaasumut ikiortit suliassaannik naammassinissinnaanngorsimassapput.

Ilisimasaqarneq imatut paasineqassaaq, ilinniakkamik naammassinissimasup perorsaannermik suliaqarnerup tungaatigut suliassanut, ilisimasaqarfigisatut aallaavittut pingaarnerusunut aamma periutsinut tunngatillugu paasinnilluni aamma atuilluni perorsaasutut sulisinnaanera.

Pisinnaasat imatut paasineqassaaq, ilinniakkamik naammassinissimasup pisinnaasat arlallit ataasiakkaatut ataatsimoortillugilluunniit atorsinnaagai, perorsaannermik suliaqarnermut, sammisaqarnermut aamma suleriaatsinut attuumassuteqartut. Pædagogassistentitup ajornartorsiutit suliaqarnermut tunngasut nalilersorsinnaassavai aammalu peroraaanikkut sammisaqarnerit aamma suleriaatsit tulluarsarsinnaassallugit, kiisalu ajornartorsiutit suliaqarnermut tunngasut suleqatigisanut aamma atuisunut ingerlateqqissinnaassallugit.

Piginnaaneqarneq imatut paasineqassaaq, ilinniakkamik naammassinissimasup suliat ineriartortitsinermut sammisut aamma/imaluunniit suliaqarfiit assigiinngitsut akimorlugit suliaqarnerit suleqataaffigisinnaagai. Pædagogassistentitup perorsaannermi sammisaqarnermut tunngatillugu pilersarusiornerit ingerlassinnaavai aammalu tunaartaliisinnaalluni, periutsinik qinersisinnaalluni, pilersarusiorsinnaalluni, naammassinissinnaalluni kiisalu perorsaannermi sammisaqarnerit naliliiffigisinnaallugit. Tamakku saniatigut ilinniakkamik naammassinissimasup ilinniafiusinnaasuni assigiinngitsuni ilinniaqqinnissamat periarfissani suussusersisinnavai aammalu ineriartortillugit.

Piginnaanerit tungaviusut

Ilinniartoq tungaviusumik ilinniarnep nalaani ataani taagorneqartunik piginnaasaqalissaaq:

- Piginnaaneq naammassisagarluarnartog: Ilinniartut pilersitsisinnaanerup tungaatigut ersersitseriaatsit aamma pisinnaasat aqquasaassavaat, perorsaanerup tungaatigut suliassanut ilagitillugu pilersitsisinnaanermik ingerlatsinernik aallartisaasusassapput.

- Nalilersuisinnaassuseqarnej: Ilinniartut perorsaanikkut suliaqarnerit pillugit uppersaasinnaassapput, nalilersuisinnaassapput aamma nassuiaatiginnaassapput. Tamanna meeqqap/atuisup inuiaqatigiinni akuunissaanik, perorsarsimanissaanik, ineriartornissaanik siunertaqarpoq.
- Oqalunnikkut/attaveqarnikkut piginnaanerit: Ilinniartup attaveqarnikkut piginnaanerit aqqusaassavaat siunnerfigissaartumillu aaqqiagiinnginnerit aqqinniartassallugit. Suliaqarfiit assigiinngitsut suleqatigiinnerini attaveqatigeeriaatsit assigiinngitsut atortassavaat aammalu oqalunnikkut aamma allakkatigut ingerlatitseqqiisassalluni.
- Inuiaqatigiinni akuusinnaassuseq: Ilinniartut suleqatiminnik, angajoqqaanik, meeqqanik aammalu suliaqarfinni assigiinngitsuni suleqateqarsinnaanerit.
- Iliuuseqarsinnaassuseq: Ilinniartut perorsaanerup tungaatigut tunaartalersussapput, aqqissuissapput, sanarfiissapput, aallartisaassapput, ataqatigiissaarissapput aammalu iliuuseqassallutik.

Ilinniartitaaneq ilinniartup piginnaasaanut tunngatillugu alliertornissaq siunertaralugu aqqissugaavoq aamma sanaajuvoq aammalu qaffakkiartortumik piumasagaatitaqarfiulluni.

Ilinniartitaanerup suliatigut imarisai aamma ilinniagassatut siunertat

Ilinniartitaanerup aqqissugaanera aamma sannaa

Modulit ilinniartitsiffiusut Kalaallit Nunaanni sumiiffinni assigiinngitsuni ingerlanneqartarput. Moduliniq aqqissuinnermut atatillugu eqqumaffigineqartarpoq ilinniagaqarnissamut akuerisaasimasut amerlanerpaartaat sumi najugaqarneri. Atuarnissamut ilinniarnissamullu avatangiisit eqqarsaatigalugit modulit ilaat PI/SPS-ip qitiusumik immikkoortortaqarfiani ilulissaniittumi ingerlanneqartassapput. Modulit allat siammasissumik aqqissuunneqassapput PI/SPS-ip sinerissami immikkoortortaqarfiini imaluunniit allani ilinniartitsinissamut avatangiisitigut atortorissaarutitigullu pisariqartitat naapertorlugit ingerlanneqartussanngorlugit.

Semesterimi ataatsimi ilinniartitsinermut modulit 3-t ingerlanneqassapput, nalinginnaasumik sapaatip akunnerinik 2-3-nik sivissuseqartunik, tassani ilanngullugit angalanissat pisariaqartut. Semesterimi aallartinnissaq sioqqullugu ilinniartut semesterimi ilinniarnissap ingerlanneqarnissaanut pilersaarummut takussutissamik tunineqassapput. Modulit siornatigut kingornatigullu atuakkanik atuarnissamut, suliaqarnissamut aammalu eqqarsaqqissaarnissamut periarfissaqartitsisumik ilinniarneq pilersaarusiorneqassaaq.

Isumaginninnermi ikiortitut, isumaginninnermi perorsaausutut imaluunniit siunnersuisartutut ilinniartunik suleqateqarneq pingaartinneqarpoq, isumaginninnermi assigiinngiaartunik suliaqarnermi paaseqatigiilluni sulisarneq nukittorsarniarlugu.

Modulit aqqissuunneqarput ilinniakkami suliaqarfinnut sammisumik imaluunniit suliaqarfiit akimorlugit. Suliaqarfiit ilaat ataasiakkaat imminut atasutut ittut avissaartikkuminaapput, taamaattoq moduliniq ataasiakkaanut tunngatillugu ilikkariartugassatut tunaartarisat anguniarlugit sulinnermi angusassat pineqartillugit ataani ilusilersukkap malinneqarnissaa naatsorsuutigineqarpoq. Inuutissarsiummik ilinniakkami pædagogassistentitut ilinniartitsineq aqqissuunneqarpoq una aallaavigalugu:

Ilinniartitsissut:	Perorsaanermi suliaqarfik nalinginnaasooq	Perorsaanermi periutsit, aamma ingerlatsinerit suliat	Isumaginninnikkut perorsaaneq aamma perorsaaneq immikkoortoq	Katillugit:
Modul 1	7,5 ECTS			7,5 ECTS
Modul 2	5 ECTS	2,5 ECTS		7,5 ECTS
Modul 3	5 ECTS	2,5 ECTS		7,5 ECTS
Modul 4		2,5 ECTS	5 ECTS	7,5 ECTS
Modul 5		2,5 ECTS	5 ECTS	7,5 ECTS
Modul 6	2,5 ECTS	2,5 ECTS	2,5 ECTS	7,5 ECTS
Modul 7		2,5 ECTS	5 ECTS	7,5 ECTS
Modul 8	1 ECTS	5 ECTS	1,5 ECTS	7,5 ECTS
Modul 9	1 ECTS	5 ECTS	1,5 ECTS	7,5 ECTS
Modul 10		6 ECTS	1,5 ECTS	7,5 ECTS
Modul 11	1 ECTS	5 ECTS	1,5 ECTS	7,5 ECTS
Modul 12	2 ECTS	4 ECTS	1,5 ECST	7,5 ECTS
Katillugit:	25 ECTS	40 ECTS	25 ECTS	90 ECTS

Ilinniartup ilikkariartorneranut perorsaanermik suliaqarneq aallaaviuvoq, kiisalu aqqissuuteqqissaakkamik misilittakkanik katersuineq aamma suliat pillugit eqqarsaqqissaarneq – tassunga ilagitillugu pædagogassistentitup, suliffiup aamma suliap akornanni atuumaqatigiinneq pillugu eqqarsaqqissaarnerit.

Ilinniarnermut atatillugu suliffimmi sungiusarnek ilinniartup piviusumik sunigusarnissaanut aamma periutsinik misileraanissaanut sinaakkutaavoq, soorlutaaq sungiusarnek tassaasooq ilinniartup nammineerluni perorsaanermik suliamik aammalu suliassaqarfimmi atuisuusunik misissuinera. Tamakkua immikkoortut allattariarsorluni suliassani sammineqassapput, modulit akornanni suliffimmi sungiusarnermut attuumassuteqartut aammalu ilinniartitaanerup akornani perorsaanermik suliatut ataatsimoorullugu nalilerneqartut 30 ECTS-inik.

Piffissap affaa atuagarsornikkut ilinniartitaanermik aqqissuussinermi suliffimmi sungiusarnek ilinniarnermut ilaatinneqanngilaq, soorlutaaq modulini ilinniartitsinermut atatillugu suliassat annertussusaat modulimi ataatsimi 5 ECTS-inik ikinnerusut.

Ilinniartitseriaatsit tungaviusut aamma najoqutassat

Inuutissarsiummik pædagogassistentitut ilinniarnermut atuartitseriaaseq ilinniartut misilittagaannik, ilisimasaannik aammalu perorsaanermut tungatillugu nalunnigisaqareernerannik aallaaveqarpoq. Tamanna periuseq suliaqarnermi misilittakkat pillugit aammalu ilinniartup misilittakkaminut sanilliullugu iliuseqarnissamut piginnaatitaaneri pillugit eqqarsaatiginninnermik ilaatigut ilisarnaateqarpoq. Modulini tamani aamma akornanni atuagarsornerit aamma suliaqarnerit atassuserneqarnerini avitseqatigiinneq aamma ilinniartut suliaqarlutik misilittagaat ilanngunneqartarput kiisalu atuagarsornermit suliaqarnermut sammiviliinerit.

Ilinniartut suleqatigiissitamut attuumassuteqartinneqartarput, eqimattakkaarluni suliassat pillugit, atuagarsornerup aamma suliaqarnerup imminnut atassuserneqarnerini avitseqatigiinneq pillugu, kajumissuseq pillugu aammalu ilinniartuunerup nalaani tapersorsorneqarneq il. il. pillugit suleqatigiittunut.

Modul-imut siullermut aammalu piffissani akunnermuliuttunut pingasunut piareersarnermi naatsorsuutigineqarpoq, ilinniartoq namminersorluni imaluunniit eqimattani atuagarsornermik aamma suliassanik naammassinninnermik suliaqassasoq. Taamatuttaaq naatsorsuutigineqarpoq suliffimmi suleqatit peqatigalugit atuagarsornermit avitseqatigiittoqartassasoq aammalu kingumut eqqarsaatiginnittoqartassasoq nammineq atuagarsorluni aamma suliaqarluni ilinniarneq pillugu.

Ilinniarneq aaqqissuunneqassaaq fag-itigut ataasiakkaatigut, modulit eqqarsaatigalugit aamma sammisatigut alliarterneq siunertaralugu. Ilinniartitsinermi fagit ingerlaqatigiisinneqassapput, perorsaanermi tamatigoortuusumik assigiinngissutsinut sammiviliisumik periuseqarluni.

Ilinniartitseriaatsitigut assigiinngitsutigut ilinniartitsinerup imarisaa ingerlateqqinneqassaaq, tassani ilinniarnepup ingerlanerani suleriuseq namminersornermut arriittsumik sangutinneqariartuaassalluni, taamaaliornikkut ilinniartoq namminersorluni sulinissamut sungiusarneqarluni.

Ilinniartut suliassat tungaatigut alliarturnerat, sungiusarnerit aamma projektinik suliaqarnerit aqputigalugit, iliuseqarsinnaanermut piginnaaneqarnermut sammisunik aammalu ammasumik perorsaanermut periuseqartumik ikiorfartorneqassaaq.

Ilinniartitsinermi kalaallit oqaasii atorneqarput, taamaattorli aamma qallunaat aamma tuluit oqaasii atorneqarsinnaallutik. Atuagarsornermi kalaallit aamma qallunaat oqaasii annerusumik atorneqarput. Oqaatsit allat annikinnerusumik atorneqartarput, soorlu tuluit oqaasii/nunani avannarlerni oqaatsit.

Suliat imarisaat aamma modul-ini ataasiakkaani ilinniagassatut siunertat

Modul-ini ataasiakkaani sammisat, qulequttat imarisaat kiisalu modul-it ataasiakkaanut siunertat aamma anguniakkat quppernerni tulliuttuni allanneqarput aammalu tassaallutik Inuutissarsiummik ilinniartitaanermik aaqqissuussinermit sammivimmik tikkuussisut.

Modul 1: Perorsaaneq aammalu taassuminnga inuutissarsiummik paasinninneq

Modul-imik siunertarineqarpoq, pædagogassistentitut inuutissarsiuteqarneq ilinniartunut ilisaritsissutiginnissaa aammalu ilinniartitaanermi atortut ilinniartitaanerup nalaani atorineqarsinnaasut ilisaritsissutiginnissaat.

Imarisai:

- Ilinniartitaanerup ilisaritsissutigineqarnera
- Inuutissarsiummik paasinninneq
- Perorsaanermi ileqqorissaarneq aamma naleqartitat
- Inatsisit
- Ilinniartitaanermi atortut

Modulimik siunertarineqarpoq ilinniartup:

- Ilinniartitaanerup siunertaa, sanarfineqarnera aamma immikkoortui pingaarnert suussusersissagai
- Perorsaanerup iluani nammineq inuutissarsiutini aamma inuutissarsiutit allat suussusersissagai
- Inunni, inuiaqatigiinni aamma meeqqani isiginnittaatsinut paasinnikkiartulernissaa
- Perorsaanermi naleqartitat aamma ileqqorissaarneq pillugit ilisimasaqaleriartornissaa
- Inuutissarsiummi inatsisitigut tunngavigisanik paasinninnissaa
- Ilinniartitaanermi atortut assigiinngitsut pillugit ilisimasaqalernissaa, tassunga ilagitillugit atuarnermut teknikkut aammalu suleqatigeeriaatsit.

Modul 2: Meeqqat ineriartornerat (nalinginnaasoq immikkoortoq 1)

Modul-imik siunertarineqarpoq, ilinniartup isumassuineq pillugu teorit atorineqartut pillugit aamma meeqqap 0-6-it akornanni ukiullip ineriartornera, peroriartornera aamma inooqataanera pillugu paasinninnissaanik, aamma paasisami taakkua perorsaanermi suliaqarnermut atatillugu atornissaannut pisinnaangornissaanik, meeqqat atuartunngornissartik sioqqullugu ineriartornerat, peroriartornerat aamma ilinniarnert eqqarsaatigalugit.

Imarisai:

- Meeqqat 0-6-inik ukiullit ineriartorneranni tarnikkut pissusaat pillugit teorit
- Peroriartorneq, inooqataaneq aamma isumassuineq
- Pinnguarneq, takorluuineq aamma pilersitsisinnaaneq
- Meeqqat suli atualinngitsunut tunngatillugu inatsisitigut tunngaviit
- Perorsaanermi periutsit

Modulimik siunertarineqarpoq ilinniartup:

- Meeqqat 0-6-it akornanni ukiullit ineriartorneri pillugit teorinik paasinninnissaa
- Perorsaaneq, peroriartorneq, ilinniarneq, isumassuineq aamma inooqataaneq pillugu teorinik paasinninnissaa
- Pinnguarneq, takorluuineq aamma pilersitsisinnaaneq pillugit ilisimasaqalernissaa
- Inatsisit perorsaanermi tunngavigisatut atornissaannik ilisimasaqalernissaa aamma pisinnaangornissaa

- Ilinniartitseriaatsit pillugit ilisimasaqalernissaa aammalu tassanngaanniit teorit ilisimalikkani atorlugit perorsaanermi suliaqarnermik/suliaqarnermik misiliinissaa (pilersaaruserneq, naamassinninneq aammalu naliliineq)

Modul 3: Meeqqat ineriartornerat (nalinginnaasoq immikkoortoq 2)

Modul-imik siunertarineqarpoq, ilinniartup meeqqat 6-12-inik ukiullit ineriartorneri pillugit paasisimasaqalernissaa aamma qingasaarisarneq pillugu aammalu qingasaarisarnerup meeqqat inuusuttullu nalerisimaarnerannut qanoq isumaqarnera pillugu ilisimasaqalernissaa.

Imarisai:

- Meeqqat 6-12-inik ukiullit ineriartorneranni tarnikkut pissusaat pillugit teorit
- Sunngiffimmi neqeroorutitut inatsisitigut tunngavigisat
- Qingasaarisarneq aamma pitsaaliineq
- Perorsaanermi periutsit

Modulimik siunertarineqarpoq ilinniartup:

- Meeqqat 6-12-it akornanni ukiullit ineriartorneri pillugit teorinik paasinninnissaa
- Meeqqanik sullissinermi attaveqarnerup qanoq pingaaruteqartigineramik paasinninnissaa, tassunga ilagitillugu akuersaartumik attaveqatigiinneq
- Meeqqat inuusuttullu akornanni qingasaaruttarneq pillugu aammalu qingasaarisarneq pillugu perorsaanikkut suliniutit pillugit paasisaqarnissaa
- Perorsaanermik suliaqarnermi inatsisit tunngavigisatut atornissaannut ilisimasaqalernissaa aammalu pisinnaasaqalernissaa
- Periutsinik atuinissamut sungiusarnissaa, tassunga ilagitillugit paaqqinnittarfimmi perorsaanermik suliaqarnermi casestudie-t, alapernaanneq aamma kingumut eqqarsaatiginninneq kiisalu perorsaanermi ajornartorsiutinik suussusersineq

Modul 4: Inersimasunnulerneq aamma inuusuttuuneq

Modul-imik siunertarineqarpoq, ilinniartup inersimasunnulerneq aamma inuusuttuuneq pillugit ilisimasaqalernissaa ilisimasat taakkua perorsaanermik suliaqarnermi atornissaat siunertaralugu.

Imarisai:

- Inersimasunnulerneq aamma inuusuttuuneq pillugit tarnikkut pissutsinut teorit
- Kinaassutsip ineriartornera, inooqataanermi attaveqarneq aamma nalerisimaarneq
- Kajumissuseq pillugu teorit
- Imaqarissaarnermi akunnattoorutit

Modulimik siunertarineqarpoq ilinniartup:

- Inersimasunnulernermut, inuusuttuunermit aamma kinaassutsimut tunngatillugu kulturi, inooqataaneq aamma tarnip pissusaa eqqarsaatigalugit sammiviit pillugit paasisimasaqalernissaa
- Kinaassutsip, nalerisimaarnerup, aamma inooqataanermi attaveqarnerup ataqatigiinnerat oqalliseqataaffigissagaa, aammalu tamanna perorsaanermik suliaqarnermi inuusuttunut paasinninnissamut atussagaa kiisalu perorsaanermi

aqqusaarneqarsinnaasunik ileqqorissaarnermi akunnattoorutitut tunngatillugu oqalliseqataanissamut pisinnaasaqalernissaa

- Kajumissaarineq pillugu teorinik ilisimasaqalernissaa aammalu taakkua atornissaannut pisinnaasaqalernissaa isumaginninnermi perorsaanermit tunngatillugu
- Periutsinik atuinermik sungiusarnissaa, tassunga ilagitillugit casestudie-t aamma paaqqinnittarfimmi perorsaanermit suliaqarneq pillugu kingumut eqqarsaatiginninneq kiisalu ileqqorissaarnikkut akunnattoorutaasinnaasunik suussusersiineq

Modul 5: Suaassuseq, atoqatigiinneq aamma assigiinngiaassuseq

Modul-imik siunertarineqarpoq, ilinniartup suaassutsimut, atoqatigiinnermut aamma assigiinngiaassusermut tunngatillugu attuumaatigiinnerit pillugit tunngaviusumik paasisimasaqalernissaa.

Imarisai:

- Suaassuseq, atoqatigiinneq aamma assigiinngiaassuseq
- Ilaqutariit aqqissugaaneri assigiinngitsut
- Medie-t aamma digital-ikkut kulturit

Modulimik siunertarineqarpoq ilinniartup:

- Suaassutsini, timimi aamma atoqatigiinnermi taaguutitut tunngatillugu kulturimi assigiinngiaarfiusumi kinaassutsimut, ileqqunut, naleqartitanut aamma iliuuseqarnissamut atatillugu inuiaqatigiinni inoqataanermi periaatsinut nalinginnaasunut aamma maligassanut tunngatillugu paasinninnissaa
- Atoqatigiinnermut tunngatillugu peqqinnissaq pillugu perorsaanermit sammivinnik pissarsinissaa, kiisalu peqqinnissaq aamma atoqatigiinneq pillugit ilitsersuineq aallaavigalugit perorsaanermit tunngasutigut nalilersuisinnaalernissaa
- Inooqatigiinnik aamma tarneq pillugu ilisimatusaatitigut ilaqutariit aqqissugaaneri assigiinngitsut pillugit paasinninnissaa
- Medie-t aamma digital-ikkut kulturit pillugit ilisimasaqalernissaa, aammalu meeqqanut inuusuttunullu tunngatillugu digital medie-nik atuinerup isumaata nalilersornissaanut pisinnaasaqalernissaa, meeqqat aamma inuusuttut digitalikkut peroriartornerat ikorfartorsinnaajumallugu

Modul 6: Nalinginnaasoq aamma allaassuteqartoq

Modul-imik siunertarineqarpoq, ilinniartup nalinginnaasuuneq pillugu aamma perorsaanermit nalinginnaasumik suliaqarnermi allaassuteqarnernut tunngasunik paasisimasaqalernissaa, kiisalu taakkununga tunngatillugu iluuseqarnissamut pisinnaasaqalernissaa.

Imarisai:

- Nalinginnaasoq aamma allaassuteqartoq
- Meeqqat immikkut pisariaqartitsisut
 - o ADHD aamma Autisme qitiutillugit
- Meeqqanik taperseruinnermit inatsisitigut tunngaviit
- Meeqqat immikkut pisariaqartitsisunut tunngatillugu akuliunneq

Modulimik siunertarineqarpoq ilinniartup:

- Nalinginnaassutsimut aamma allaassuteqarnermut taaguutitut tunngatillugu paasinninnissaa, aammalu nalinginnaasumik suliaqarnermi nalinginnaasunut aamma allaassuteqarnermut tunngatillugu ajornarsorsiuutit pillugit paasinninnissaa
- Perorsaanermik suliaqarnermi akuutitsinnermi aamma akuutitsinnginnermi taaguutitut ilisimasaqalernissaa, tassani meeqqat immikkut pisariaqartitsisut qitiutillugit
- Meeqqat immikkut pisariaqartitsisut pillugit ilisimasaqalernissaa, tassunga ilagitillugu ADHD-qarneq aamma Autisme-qarneq pissutigalugu pisariaqartitsineq; aammalu perorsaanermik ikiortitut isumaginninnermi perorsaanikkut tapersersuinissamut pisinnaasaqalernissaa
- Perorsaanermi meeqqanik immikkut pisariaqartitsisunik sullissinnermi tunngavigisassanik inatsisunik atuinissamut ilisimasaqalerlunilu pisinnaasaqalernissaa
- Periutisnik atuinissamut sungiusarnissaa, tassunga ilagitillugu persorsaanermik suliaqarnermi casestudieni, alapernaannermi aamma kingumut eqqarsaatiginninnermi kiisalu taakkununga atatillugu ajornarsorsiuutaasinnaasunik suussusersiinnermi

Modul 7: Akuutitsineq aamma akuutitsinnginneq

Modul-imik siunertarineqarpoq, ilinniartup perorsaanermik nalinginnaasumik suliaqarnermi nalinginnaasoq aamma allaassuteqartoq pillugit paasinninnissaa, kiisalu taakkununga tunngatillugu iluuseqarnissamut pisinnaasaqalernissaa.

Imarisai:

- Akuutitsineq aamma akuutitsinnginneq
- Meeqqat inuusuttullu navianartumi inissisimasut
 - o Sumiginnaaneq, tassunga ilagitillugu kinguaassiuutitigut atonerlunneqarneq
 - o Nalunaarutiginnittussaataaneq
- Meeqqanik tapersersuinnermut inatsisitigut tunngavigisat
- Meeqqat inuusuttullu navianartumi inissisimasut pillugit akuliunneq

Modulimik siunertarineqarpoq ilinniartup:

- Akuutitsinnermut aamma akuutitsinnginnermut taaguutitut paasinninnissaa
- Meeqqat inuusuttullu navianartumiittut inooqataanerannut aamma tarnikkut pissuseqarnerannut tunngatillugu paasinninnissaa, tassunga ilagitillugit inuunerminni atugaat aamma inuunerisa pitsaassusaat, akuutitsinnermut aamma akuutitsinnginnermut taaguutitut tunngatillugu
- Sumiginnaaneq pillugu, tassunga ilagitillugu meeqqanik inuusuttunillu kinguaassiuutitigut atonerluineq pillugu ilisimasaqalernissaa, aamma perorsaanermik suliaqarnermi tapersersuinissamut aamma iluuseqarnissamut pisinnaasaqalernissaa
- Meeqqat inuusuttullu navianartumi inissisimanerannik siusinaartumik paasinninnissamut periutisnik atuinissamut ilisimasaqalernissaa aamma pisinnaasaqalernissaa
- Meeqqat inuusuttullu navianartumi inissisimasut pillugit perorsaanermi suliaqarnermi inatsisunik tunngaviumik atuinissamut ilisimasaqalernissaat aamma pisinnaasaqalernissaat

- Periutsinik atuinermik sungiusarnissaa, tassunga ilagitillugit nalinginnaasumik perorsaanermik suliaqarnermi casestudie-t, alapernaanneq aamma kingumut eqqarsaatiginninneq

Modul 8: Perorsaasoq oqartussa qarfiit sinniisuattut

Modul-imik siunertarineqarpoq, ilinniartup paaqqinnittarfeqarnermi aamma inunnik isumaginnittoqarnermi aqqissuussaannerit pillugit tunngaviumik ilisimasaqalernissaa.

Imarisai:

- Paaqqinnittarfeqarnerup iluata aamma inunnik isumaginnittoqarfiup iluata sannai aamma atuuffii
- Meeqqat inuusuttullu pillugit kommunit politikii, nunarsuarmi inuit pisinnaatitaaffii pillugit FN-ip nalunaarutaa aamma Meeqqat pisinnaatitaaffii pillugit FN-ip isumaqatigiissutaa
- Paaqqinnittarfinnik allanik suleqateqarneq aamma ilisimasat tapertariisillugit suleqatigiinneq
 - o Tassunga ilagitillugit, nalunaaruteqartussaataaneq, nipangiussimasussaataaneq aamma inunntut paasisutissanik ingerlatitseqqisarneq

Modulimik siunertarineqarpoq ilinniartup:

- Nalinginnaasumik suliaqarfiup aamma inunnik isumaginnittoqarfiup iluata sannai aamma atuuffii pillugit paasisimasaqalernissaa
- Meeqqat inuusuttullu pillugit kommunit politikiiisa, nunarsuarmi inuit pisinnaatitaaffii pillugit FN-ip nalunaarutaata aamma Meeqqat pisinnaatitaaffii pillugit FN-ip isumaqatigiissutaata perorsaanermik suliaqarnermi tunngaviumik atornissaannut paasisimasaqalernissaa aamma atornissaannut pisinnaalernissaa
- Suleqatigeeriaatsit assigiinngitsut, attaveqatigiinneq aamma ilinniarsimasutut attaveqariaaseq pillugit paasinninnissaa aamma taakkunannga misileraanissaa, tassunga ilagitilluit saqitsaannernik suliaqarnerit
- Ulluinnarni neqeroorutaasuni ilisimasat tapertariisillugit suleqatigiinnikkut suliniuteqarnissat siunertaralugit suleqatigisinnaasat suliaat pillugit ilisimasaqalernissaa
- Aqqissuussaannerup ineriartorneranut tunngatillugu misissuinissamut, nalilersuinissamut aamma peqataanissamut pisinnaasaqalernissaa, suleqatigiinnermi kulturi, naleqartitat aamma isummat qitiutillugit
- Periutsinik atuinermik sungiusarnissaa, tassunga ilagitillugit perorsaanermik suliaqarnermi casestudie-t, alapernaanneq aamma suleqatigeeriaatsit aamma attaveqarneq pillugit kingumut eqqarsaatiginninneq kiisalu nalunaarutiginnittussaataaneermut aamma nipangiussimasussaataaneermut attuumatinneqartunik ajornartorsiutaasinnaasunik suussusiliisnaanissaa

Modul 9: Kalaallit Nunaat nunarsuarmi

Modul-imik siunertarineqarpoq, ilinniartup Kalaallit Nunaanni inuiaqatigiit pillugit aamma nunap ineriartornera pillugu ilisimasaqalernissaa.

Imarisai:

- Atugarissaanermik aaqqissuussinerit, tassunga ilagitillugu inuiaqatigiit atugarissaartut ineriartornerat aamma nunarsuarmioqataajartornerat
- Demokratiikkut peroriartorneq aamma innuttaaqataaneq
- Inuuniarnikkut atugassarititaasut, inooriaaseq aamma inuunerup pitsaassusia
- Kalaallit Nunaanni isumaginninnikkut suliniuteqarneq

Modulimik siunertarineqarpoq ilinniartup:

- Atugarissaanermik aaqqissuussinerit aamma inooriaatsit assigiingitsut pillugit ilisimasaqalernissaa
- Kalaallit Nunaanni atugarissaanermik aamma atugarissaarnerup ineriartorneranik kiisalu atugarissaarnerup inuiaqatigiinnut isumaanik paasinninnissaa
- Taaguut demokrati pillugu paasinninnissaa aammalu perorsaanikkut suliaqarnernik pilersaarusiornissamut, naammassinninnissamut aamma nalilersuinissamut pisinnaasaqalernissaa, meeqqat inuusuttullu innuttaaqataanerannik aammalu demokratip tungaatigut peroriartornerannik ineriartortitsinissamut siunertaqartunik
- Inuuniarnikkut atugassarititaasut, inooriaatsit aamma inuunerup pitsaassusia pillugu teorinik ilisimasaqalernissaa
- Kalaallit Nunaanni inuuniarnikkut atugassarititaasunik misissuinerit pillugit ilisimasaqalernissaa
- Kalaallit Nunaanni isumaginninnikkut suliniuteqarnerit pillugit ilisimasaqalernissaa aammalu suussusiliisinnaanngornissaa
- Inuiaqatigiinni pissutsit pillugit ilisimasanik atuisinnaanermut sungiusarnissaa, atugassarititaasut aamma pissutsit pillugit oqalliseqataasinnaanissamut aammalu isumaliutinik qaqitsinnaanissamut, inunnet ataasiakkaanut, paaqqinnittarfinnut aamma inuiaqatigiinnut pingaarutilinnik

Modul 10: Isumaginninnermi nutaaliorneq aamma nutaaliarluni aallarnisaaneq

Modul-imik siunertarineqarpoq, ilinniartup perorsaanermi suleriaatsit pioreersut suussisilersinnaagai aammalu taakkua ineriartortinnissaannut nutaamik eqqarsarsinnaassasoq.

Imarisai:

- Nutaaliorneq aamma nutaaliarluni aallarnisaaneq
- Nukinnut pigisanut isiginninneq aamma amigaateqarnermut isigineq
- Perorsaanermi avatangiisit aamma suliaqarnerit
- Nammineq kajumissutsimik suliaqarneq

Modulimik siunertarineqarpoq ilinniartup:

- Nutaaliorneq aamma nutaaliarluni aallarnisaaneq pillugit ilisimasaqalernissaa
- Perorsaanermik suliaqarnermi nukinnut pigisanut isiginninneq aamma amigaateqarnermut isigineq pillugit paasinninnissaa aamma oqalliseqataanissamut pisinnaasaqalernissaa
- Perorsaanermik suliaqarnermi unammilligassat suussusilernissaannut aamma suliarinissaannut pisinnaasaqalernissaa aammalu nutaaliarluni eqqarsarsinnaanissaa
- Nammineq kajumissutsimik suliaqarneq pillugu ilisimasaqalernissaa, aammalu nammineq kajumissuseq aallaavigalugu perorsaanermik suliaqarnerit

pilersaarusiornissaannut, naammassinissaannut aammalu nalilersornissaannut pisinnaasaqalernissaa, pineqartunut aalajangersimasunut atugassarititaasut pitsaanerulersinneqarnissaat siunertaralugu

Modul 11: Isumaginninnermi perorsaanermi avatangiisit aamma suliaqarnerit

Modul-imik siunertarineqarpoq, ilinniartup isumaginninnermi perorsaanermi avatangiisit suliaqarnerillu aammalu meeqqat inuusuttullu nalerisimaarnerisa aammalu ineriartornerisa ataqatigiinnerinik ilisimasaqalernissaa.

Imarisai:

- Perorsaanermi avatangiisit aamma suliaqarnerit
- Ilinniariaatsit kusanartut
- Aalaneq, malugisaatinik ataatsimoortitsineq aamma pinngortitaq aamma silamiinneq pillugit perorsaaneq
- Akuutitsilluni ataatsimoornerit
- Akuersineq

Modulimik siunertarineqarpoq ilinniartup:

- Perorsaanermi avatangiisit aamma suliaqarnerit pillugit paasinninnissaa aammalu suussusiliisinaanissaa
- Ilinniariaatsit kusanartut pillugit ilisimasaqalernissaa
- Aalaneq, malugisaatinik ataatsimoortitsineq aamma pinngortitaq aamma silamiinneq pillugit perorsaanermik ilisimasaqalernissaa
- Akuutitsilluni ataatsimoornerit aamma akuersineq pillugit teorinik pissarsinissaa, tassunga ilagitillugu taakkua meeqqat inuusuttullu nalerisimaarnerannut aamma ineriartornerannut pingaaruteqassusaat
- Inuit ataasiakkaat nalerisimaarnerannik aamma inooqataanikkut ineriartornerannik ikorfartuinissamut siunertat aamma periutsit suliamut tunngasut kiisalu akuutitsilluni ataatsimoornerit ineriartortinnissaat oqaasertalersorinnaassavai
- Perorsaanermik suliaqarnermi teorit aamma / imaluunniit periutsit pillugit nassuiaanissamut aamma taakkuninnga atuinissamut pisinnaasaqalernissaa
- Perorsaanermi avatangiisit aamma suliaqarnerit pilersaarusiornissaannut, naammassinissaannut, nalilersornissaannut aammalu naliliiviginissaannut pisinnaasaqalernissaa, meeqqat inuusuttullu ineriartorneri, naatsorsuutigisaat aamma sammiveqarneri pillugit ilisimasat atorlugit, meeqqat inuusuttullu nalerisimaarnerisa ineriartornerannik ikorfartuisuusut, kiisalu – tassunga atatillugu – naliliinerit aamma toqqaanerit suliamut tunngasut pillugit nassuiaasinnaanissaa

Modul 12: Isumaginninnermi perorsaanermut ikiortip atuuffia

Modul-imik siunertarineqarpoq, ilinniartup perorsaanermik suliaqarnermi killilikkamik qitiusumut tunngasumik imaluunniit ajornartorsiummut teorimut aamma suliaqarnermut tunngasoq pillugu allakkatigut paasisimasaqassutsiminik paasititsisinaanngornissaa, modulimi naggataarutaasumi oqaluttariarsornikkut misilitsinnermik kinguneqartussamik.

Imarisai:

- Sammisaaq qitiusoq pillugu allattariarsornikkut suliaqarneq

- Inunnik ataasiakkaanik / eqimattakkuutaartunut ilitsersuineq
- Allattariarsornikkut suliaq tunngavigalugu oqaluttariarsornikkut misilitsinneq

Modulimik siunertarineqarpoq ilinniartoq:

- Sammisamik qitiusumik ujarfissarsisinnaassasoq ilisimasani aamma pisinnaasani atorlugit
- Perorsaanermik suliaqarnermi ajornartorsiummik peqqissaartumik killiliinissaq pillugu aqqissuisinnaassaaq
- Sammisamut aalajangersimasumut tunngatillugu teorinut aamma taaguutinut paasinnittaatsinik aamma atuinernik takutitsisinnaassaaq
- Ajornartorsiummik sukuiaanissamut atortut attuumassutillit atorlugit nalilersuisinnaassaaq aammalu suliarisinnaassalluni
- Suliamut sammisumik aammalu allakkatigut paasinartumik nalilersuinerup inerneranik saqqummiussisinnaassaaq
- Allattariarsornikkut suliaq tunngavigalugu misilitsissinnaassaaq

Suliffimmi sungiusarnek aamma ulluklut imaluunniit ulloq unnuarlu paaqqinniffinnut attuumassuteqarneq

Suliffimmi sungiusarnerup aamma ulluklut imaluunniit ulloq unnuarlu paaqqinniffinnut attuumassuteqarnerup siunertaraa ilinniartup:

- Nammineerluni aamma sulisunik suleqateqarluni perorsaanermik suliaqarnermi assigiinngitsuni peqataanissaa.
- Perorsaanermik suliaqarnermut aamma ilinniarnermut tunngatillugu attaveqarnikkut aamma kingumut eqqarsaatiginnissinnaanikkut piginnaasani nukittorsassagai.
- Perorsaanermik suliaqarnermi periutsinut tunngatillugu ilisimasaqalernissaa aamma pisinnaasaqalernissaa.
- Atuisut angajoqqaatut oqartussaasui imaluunniit pilersuisui ilitsersortassagai aammalu suleqatigalugit.
- Perorsaanermik suliaqarnerup imarisaa aamma sannaa aallaavigalugit suliffimmi sungiusaatissanik suliaqarnissaa kiisalu nammineq atuuffik pillugu eqqarsaatiginninnissaa.
- Suliffimmi sungiusarnermiit paasissutissat katersukkani nalilersuinermut aamma kingumut eqqarsaatiginninnermut atussagai.
- Perorsaanermik suliaqarnerup ineriartortinnissaa siunertaralugu nammineq attaveqarnermut aamma kingumut eqqarsaatiginninnermut piginnaanini nukittorsassagai.

Misilitsinneq aamma modulini misilitsinneq

Modulini misilitsinnerit siunertarivaat, ilinniartup ilinniarnernanik qaffassaanissaq aammalu ataqatigiittumik ingerlanerup qulakkeernissaa kiisalu ilinniarneq tamaat, aammalu modulit akornanni, ilinniarnernup ingerlaannarnissaata qulakkeerneqarnissaa. Ilinniartoq ilisimalikkani, modulini ataasiakkaani sammisanut paasinninnini aammalu nammineq sulinini pillugit nalilersuinissamut aammalu utimut tunniussinissamut periarfissinneqassaaq, modulini

ataasiakkaani siunertaasut eqqarsaatigalugit. Taamaalilluni modulini misilitsinnikkut siunertaavoq, ilinniarnermi pissarsiap annertuujunissaanik qulakkeerinninnissaq, modulit akornanni ilinniarnermik aamma sulinermik ingerlatsinermut tunngatillugu. Tassunga suliaqarfimmut tunngatillugu atuagarsornikkut nalilersuisarnikkullu peroriartornerup qaffakkiartornera ilutigalugu modulini misilitsinnerit aqqissuunneqassapput.

Modulini misilitsinnerit ilulilersugaanerat assigiinngiaarpoq aammalu oqaluttariarsornikkut, allattariarsornikkullu imaluunniit taakkua illugiisillugit ingerlanneqarsinnaallutik. Modulini misilitsinnerit ilaanni piumasaqaataavoq eqimattakkuutaarluni suleqatigiinnissaq.

Modulini misilitsinnerit akuerineqassapput imaluunniit angusiffiussallutik, ilinniarnerp nangittumik ingerlanneqarnissaanut. Modul 5-imi aamma 9-mi ilinniarnissat sioqqullugit siuliini modulini misilitsinnerit akuerineqarsimassapput imaluunniit angusiffiusimassallutik, tak. karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-imeersoq. Modulini misilitsinnerni nikerartumik avataaniit aammalu illup iluaniit censor-eqartoqartassaaq.

Modulini misilitsinnernut sinaakkutit ilinniarnermi quppersakkami erseqqissarneqarput.

Inaarutaasumik misilitsinneq

Inaarutaasumik misilitsinnissamut innersuunneqarnissamut piumasaqaataavoq modulit tamarmik akuerineqarsimanissaat imaluunniit angusiffigisimanissaat.

Inaarutaasumik misilitsinnermi ilinniartup nammineq suliani imaluunniit eqimattakkuutaarluni suliaq peqataaffini tunniutissavaa, oqaluttariarsornermik misilitsinnermi aallaavittut atorineqartassaaq. Avataaniit censori peqatigalugu ilinniartut Kalaallit Nunaanni Karakterinut Uuttuut naapertorlugu ataasiakkaarlugit naliliiffiqineqassapput.

Allattariarsornikkut aamma oqaluttariarsornikkut angusat pillugit ataatsimoorussamik naliliinissami ilinniartitaanermik aqqissuussinerup immikkoortua tunngavigineqassaaq; Perorsaanermik ikiortitut naammassisimasup piginnaasai kiisalu pædagogassistentitut Inuutissarsiummik ilinniarnermi ilikkagassat.

Misilitsinnerni aamma modul-ini misilitsinninnerni censorit pillugit aalajangersakkat

Ilinniartitaanerup pitsaassuseq ilaatigut avataaniit censorinik, akuerisaasunik censoreqatigiinneersunik, atuinikkut qulakkeerneqassaaq. Censorit PI/SPS-imit pissarsiarineqassapput aammalu rektorip akuersineratigut peqataassallutik, soorlu tamanna aamma atuuttoq illup iluaniit censorinik atuinermi. Tunngaviusumik misilitsinnerni aamma misiliinerni censorimik ataatsimik peqataasoqartassaaq.

Web-ikkut kiffartuussissutit atorlugit misilitsinnissat aamma misiliinissat aqqissuunneqarsinnaapput. Oqaluttariarsornikkut misilitsinnissanik aamma misiliinissanik web-ikkut aqqissuussinerni, rektorip akuersissuteqareerneratigut, ilinniartut tamatigut ilinniartitsisumit, censorimit imaluunniit inummit allamit ingerlaqatigineqartassapput.

Misilitseqqinneq, napparsimaneq pissutigalugu misilitsinneq aamma suliffimmi sungiusarneq nutaaq

Ilinniartunut napparsimaneq pissutigalugu misiliinernik aamma misilitsinnernik naammassinnissimangitsunut, nakorsap allagarsiussaaticut uppersarneqartumik, imaluunniit naammassinnissimanginneq akuerineqarsimasoq alla pineqartillugu, ilinniarfiup aalajangersaaneratigut napparsimasimaneq pissutigalugu misilitsittoqassaaq.

Napparsimasimaneq aamma pissutigalugu misilitseqqinneq sapinngisamik piaarnerpaamik aammalu nalinginnaasumik fagimi misilitsinnissaq tulluuttoq pitinnagu ingerlanneqassaaq.

Inaarutaasumik misilitseqqinnissamut innersuunneqarneq nalinginnaasumik marloriaannarluni pisinnaavoq.

Inaarutaasumik misilitseqqinnissamut innersuunneqarneq taamaallaat pisinnaavoq imaattoqartillugu: 'akuerineqanngilaq' imaluunniit angusinnigitsutut karakteriliisoqarnermi: Fx imaluunniit F (uuttuut KNK).

Misilitsinnermut uppersaataat aamma diploma tapertaq

Inaarutaasumik misilitsinnermut atatillugu pædagogassistentit Inuutissarsiummik naammassinermut uppersaammik atulersitsisoqassaaq. Uppersaataat kalaallisut qallunaatullu atulersinneqassaaq.

Ilinniartup kissaatigippagu aamma Diploma Supplementi atulersinneqassaaq. Taanna uppersaataat European Commission, Council of Europe-mit aamma UNISCO/CEPES-imit tuluttut suliaavoq, saqqummilaarneq aamma sulianut ilinniarsimasuunermut ilisarinninneq kiisalu ilinniakkap imarisaanik, annertussusaanik aamma qaffasissusaanik naammassinnissimanerup uppersarneerata aqutissiuunnissaa siunertaralugu.

Maalaarutit

Ilinniartup misilinneqarneq imaluunniit misilitsinneq pillugu maalaaruteqarnissaq kissaatiguniuk, maalaarutini nammineerluni rektorimut tunniutissavaa, nalilerneqarnermi nalunaarutigineqarneraniit sapaatip akunneri marluk qaangiutsinnagit. Maalaarut allakkatigut tunniunneqassaaq aammalu tunngavilersorneqarsimassaalluni.

Rektorip maalaarut piaarnerpaamik naliliisimasunut saqqummiutissavaa, taakkua maalaarummi apeqqutit faginut tunngasut pillugit akinissaminnut nalinginnaasumik sapaatip akunnerinik marlunnik piffissaqassapput. Ilinniartuq sapaatip akunnerata ataatsip iluani naliliisimasut oqaaseqaataat pillugu oqaaseqaateqarnissamut periarfissaqassaaq.

Rektor træffer herefter en skriftlig og begrundet afgørelse.

Ilinniarnermi siunnersorneqarneq

Siunnersuineq holdikkaartunut, eqimattakkuutaartunut imaluunniit ataasiakkaartunut ingerlanneqarsinnaavoq, web-ikkullu ingerlanneqarsinnaalluni.

Siunnersuinerup siunertaraa ilinnairtup ilinniarnini pillugu akisussaaffimmik tigusinissaanut atugassarititaasunik pitsaasunik pilersitsinissaq, ilinniartup inuttut aammalu suliatigut ineriartornissaa siunertaralugu. Siunnersorneqarnissaq pillugu iliuseqarneq ilinniartunit

ataasiaakkaanit imaluunniit eqimattakkuutaanit, ilinniartunut siunnersortimit aammalu ilinniartitsisunit pinngorfeqarsinnaavoq.

Ilinniartunik siunnersuineq

Ilinniartuuneq tamaat ilinniartunut siunnersortimit siunnersorneqarnissaq periarfissaavoq.

Siunnersorneqarneq ilinniarnermut apeqqutitut nalinginnaasunut, ilinniarnermi ajornartorsiutitut tunngasinnaavoq (inooqtaanikkut aamma inuttut), tassunga ilagitillugit ilinniarnermi pitsaanngitsumik peqataaneq, suleqatigiinneq, napparsimaneq pissutigalugu ilinniarnerep ingerlanissaanik immikkut aqqissuussineq, fagitigut ajornartorsiuteqarneq (ilinniartitsisunik suleqateqarneq imaluunniit ilinniarnerep ingerlanissaanik immikkut aqqissuussineq) aammalu perorsaanic immikkut tapersorneqarnermut tunngasut. Ilinniartunut siunnersortip ilinniartup ilinniartup avataatigut ikiorneqarsinnaaneranut periarfissat pillugit siunnersugassarivaa, soorlu assersuutigalugu Nuna Tamakkerlugu Iltersuisarfiup ataani ilinniagaqartunut siunnersuisarfinniit ikiorneqarsinnaanerani.

Suliatigut siunnersorneqarneq

Ilinniartitsisut tamarmik, holdimut attuumassuteqartut, ilinniartoq suliatigut siunnersortarpa aammalu ilinniarnerep tapersortarlugu.

Peqataasussaataaneq

Ilinniartitaanermi ilinniarfeqarfimmit aqqissuunneqartumi ilinniartoq peqataassaaq, ilinniartitaanermi peqqussutit aamma nalunaarutit naapertorlugit aqqissuunneqartumi. Ilinniartup peqataanissamut pisussaaffimminik naammassinninnera pillugu ilinniarfeqarfik nalunaarsuissaaq, aammalu ilinniarfeqarfiup ilinniartoq peqataanissamut pisussaaffia pillugu aammalu ilinniartitaanermi peqataanerani nalunaarsuisarneq pillugu ilisimatissavaa.

Ilinniarnermi suliaqarneq

Ilinniartoq ilinniartitaanermi tamarmi piumassuseqarnissamut pisussaaffeqarpoq. Ilinniartitaaneq ilinniartup modulini ilinniarinneqarnissaanik, suliaassutit tunniussisarnissaanik kiisalu ilinniartitaanermi misilinneqarnerni peqataasarnissaanik kinguneqarpoq, ilinniartitaanermi aamma ilinniartitsinermi piumasaqaatit naapertorlugit.

Tamatuma saniatigut ilinniartoq ilinniartitsisut aamma ilinniartoqatit peqatigalugit ilinniarnermut ingerlaatsini peqataanissamut akisussaaffeqarpoq. Peqataaneq tassaavoq najuunneq, suleqatigiilluarnissaq siunertarlugu iliuuseqarneq aammalu ilinniartitsinerni nutaamik eqqarsarsinnaanermut aamma nutaamik suleriaaseqarnissamut piumassuseqarneq.

Peqataanginneq

Peqataanissamut pisussaaffimmik naammassinninnginneq, ilinniartup naammassinninngitsukkaminik naammassinninnissamik peqquneqarnissaanik, imaluunniit ilinniartup misilitsinnermut peqataanissamut periarfissaanik arsaarinninnermik kinguneqassaaq. Taamaalilluni peqataanissamut pisussaaffimmik naammassinninnissaq misilitsinnermut peqataasinnaanissamut piumasaqaataavoq.

Ilinniartup allakkatigut arlaleriartumik mianersoqquneqartaraluarluni imaluunniit piffissami sivilisunerusumi peqataasannginnini ingerlatiinnaruniuk ilinniagaqarnerminngaanniit anisitaasinnaavoq.

Piffissaq naammassinniffissaq

Pædagogassistentit Inuutissarsiummik ilinniarnep sivilisunerpaaffissaa ukiut pingasuupput, tassunga ilagitillugit napparsimaneq aamma pissutigalugu nutaamik misilitsinnissamut periarfissat.

Ilinniakkamik naammassinninnermi tamanut piumasaqaatit naligalugit ilinniagaqarnissamut qinnuteqartoqaqqissinnaavoq, taamaattoq modulini angusinikkut naammassereersimasat pillugit qinnuteqartoqassaaq. Ilinniartut modulit misiliinikkut/misilitsinikkut angusiffigisimasatik peqataaffigisinnaanngilaat.

Immikkut akuersissuteqartarnej pillugu aalajangersakkat

Pisuni immikkuullarissuni aamma rektorip akuersissuteqareerneratigut ilinniarfeqarfiup uunga ilinniarnermut aqqissuussinermut malittarisassat aamma allat ilinniarnermut malittarisassat immikkut ittumik akuersissuteqarnikkut atunngitsissinnaavai.

Immikkut akuersissuteqarneq pillugu aalajangersakkat atorlugit ilinniarfeqarfiup ilinniarnep immikkut ingerlasussat aqqissuussinnaavai, ilinniartup peqataanissamut pisussaaffia fagit ilaanni imaluunniit fagini ataasiakkaani ilinniarfeqarfiup atunngitsissinnaavaa, nakorsap nalunaarutaatigut uppersarsarneqarpat ilinniartup peqqissutsini pissutigalugu ilinniartitaaneq naammassisinnaanngikkaa. Ilinniartitaaneq malunnaatilimmik killilimmik naammassineqarsimappat, tamanna erseqqissumik ilinniarsimanermut allagartami allaqqassaaq.